

58.

DEO OPT. MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis vigesima secundâ
mensis Martii, anno Domini M. DCC. LXIV.*

M. MICHAELE-JOSEPHO MAJAVLT;
antiquo Regis exercituum in Germaniâ Medico,
Doctore Medico, Præside.

An in Œdemate vesicantia scarificationibus tutiora?

I.



INTER integumenta varia corporis humani merito annumeratur
textum cellulosum, principale quidem dicendum, seu usus suos
multiplices spectaris, seu etiam molem consideraveris. Pinguedinis
sedes unica, ex quâ, veluti è promptuario, in usus naturæ varios
continuò educitur: per universum protenditur corpus; adeò ut nulla
sit pars, quæ hujulce telæ auxilio careat. Modo laxiori, modo
strictiori stamine contexta, prout lamellis, aut teretibus filis constat, sub cute per-
petuò substernitur: hinc illi firmiter annexa flexilitatem atque mobilitatem conciliat:
indè, altius ad interiora penetrans, omnibus corporis partibus adhærens, ipsas ambit
& in sede debitâ continet. Nulla vasa, nullus est musculus, lacertus musculorum
nullus, nulla porro fibra, quæ hocce involucri non proximè investiat (a) Sed
quid verbis opus est, ubi ipsamet autopsiâ edoceri libet. Macato bove, quid
agent lanii videre? Sectâ cute suprâ pectus, apicem follis tubularum eam inter
& substratas carnes inserunt, cujus ope aër magnâ vi inducitur; hic, premente
novo, è cellulâ in cellulam patente, prorepat; dum minister adsans, fuste duplici
armatus, in numerum singulas corporis partes contundit; itâ enim, disruptis fi-
lamentis quæ fortitè cutem adnectunt, atque per alternam subitamque com-
pressionem aëre, brevi ita undequaque elevatur pellis & intumescit animal, ut,
quod priùs erat macilentum aut tabidum, jam mole suâ rotundiori, pinguif-
simi, succique plenissimi corporis aspectum præbeat. Nunc, sectâ cute, videtis,
ut insufflatis cellulis, ipsa tela musculos inter se se insinuet, involucrique & nexus
singulis eorum fibrillis subministret. Videtis quantò facilis corium sic à reliquo
corpore insufflato, exceptis quibusdam locis, ubi strictiori vinculo adhæret nec
vento dilari sinit, cedat & detrahatur. Sed quod hic ex artificio fieri cernitis,
aliàs è contrâ ex morfu quorundam animalium (b), aut sponte ex vulnere inflicto
trachæ arteriæ vel thoraci, sæpè sæpius accidisse fuit observatum. Patet igitur
quod ex quâcumque telæ cellularis sede via patula sit in quemlibet corporis locum
& idèd aër aut liquor quicumque in hâc vel illâ parte effusus, brevi in ceteras
omnes, etiam remotissimas, fluere atque moveri possit (c). Hæc enim simili appa-
ratu usque ad ossa ossiumque interiora pervadit; quorum medullam, medullarem-
que succum intra sua loculamenta continet. In Calvariâ arachnoideæ nomine,



(a) Halleri
Physiol.

(b) Vipeta Phy-
seer dicta, in
Asiâ & Africâ.

(c) Haller. ibid.

meninges utraque interjacet, singulisque vasis, vasorumque ramis substernitur. In pectore non solum membranas firmiter circumductis costis, sterno, vertebri musculisque adnectit; sed earum inter duplicaturas aut lamellas, vasisque circumposita reperitur. Pulmones ipsi, mira quidem Pneumatica machina, si fides Helvetio (d), ipso hoc textu constantur. Idem de peritonæo, intestinis, cæterisque abdominis partibus, quarum singulæ eodem vinculo aliis alligantur, aut ex eodem textu ferè totæ componuntur. Adeo ut mirum nequaquam sit plurimos adesse auctores, qui totum ferè corpus hocce singulari stamine conflare audacter contendant. Sed qui de hæc telà plura desiderat, adeat *Marcellum Malpighium* ipsum, *Ruischium*, ill. *Hallerium*, ac, ne ex nostrâ Scholâ recedamus, celeb. senem *Winflowium* atque tandem *D. Thierry*, qui Thesum de hocce textu conscripsit, in quo *frequentius morbos & morborum mutationes esse** contendit. Nec immerito, quandoquidem textum cellulare per se merè quid iners sit & passivum, neque ullo motu & energîâ donetur. Hinc, quoties ex disruptione, aperturâ, vel relaxatione vasorum, intra illud effunduntur humores varii, toties exoriuntur aut inflammationes phlegmonodæ, aut erisipelatodæ, pro variâ erumpentis humoris naturâ; emphysema durum & tympanites, si fuerit aër; vel leucophlegmatia universalis aut peculiare œdema, si lymphæ aut serum sanguinis fuerit eductum. De hocce posteriori genere agentes, illud tantum in eo statu, quo medicationem internam eludens, auxilia tandem Chirurgica expostulat, considerandum suscepimus; ac proindè, nùm ad scarificationes aut potius ad vesicantia, tanquam auxilium præstantius, sit protinus confugiendum, statuere conabimur.

I I.

„EST nempe œdema, juxta *Stahlium*, recepto vocabuli usu, tumor partis cujusdam cum insigni plerumque infarctu; pallidus, frigidulus aut promptè frigesceus, indolens, tactui, non solum in genere, mollis, sed in specie quoque; fortiori pressioni ita cedens, ut scrobiculum formet & aliquantisper servet; extremos imprimis artus, & communissimè pedes occupans: pertinax communiter & refractarius; facile postea auferens & latius se diffundens, &c. (a) His enim notis clarè distinguitur tumor œdematosus ab aliis, tum inflammatoriis, tum erysipelatodeis tumoribus, ut potè qui causas longè dissimiles incusantes, curationem proindè diversam expostulant. Plurima reperies quæ hunc morbum inducere possunt; habitus corporis pituitosus, mollis, phlegmaticus, seu asciticus sit, seu à parentibus contrahatur: prava humorum diathesis, ut defectus sanguinis, nimia serosi laticis copia, & lentor, & spissitudo lymphæ; indè oriuntur toties tumores illi ex prægressis hæmorrhagiis, aut ex nimium celebratâ venæ sectione; nam sic destructo solidorum omni elatere, stagnant humores & iis præcipuè in partibus coacervantur, ad quas vires cordis vix pertingere possunt. Oritur quoque œdema ex plethorâ, ex cohibita perspiratione, & sæpè sapius ex malâ curatâ febre, aut cortice peruviano, vel spirituosus aut aliis febrifugis medicamentis perperam adhibitis. Fit quandoque ut in tumore inflammatorio, aut erysipelatodeo, spiritu vini malè usurpato, habitus discutiatur inflammatorius, gangræna verò succedat aut pertinax œdema (b); sicut etiam fit per metastasim subito depositam in febribus maligni moris; sed ulterior in hocce casu expostulatur Medici attentio: nam mobilior hæc materia, ut citò decubuit, sic quoque citò se subducit, ægrumque, inscio & stupente Medico, uno oculorum istu ad plures deducit. Modò oritur œdema à nimia compressione venarum, teste *Lowro*; modò ex spasmo diaphragmati diutius incumbente (c). Nunc ex scabie reclusa (d), nunc ex angustia & spirandi difficultate, quæ orthopnææ vel asthmatis nomine insignitur; ita ut si vehementius urgeat, ut est asthma convulsivum, eo facilius funestum thoracis hydropem aut ascitem ipsum produci, sicut coner à lenium & diuturnum paulatim cachexiam & pedum œdemata

(d) *Helvet.* in
Comment. R. S.
A. 1718.

(a) *Stahlii* Medic.
sic. Dogm. sy-
sthem. Sect. II.
de Œdem. pag.
63.

(b) *Stahl.* ibid.
pag. 63.

(c) *Hoffm* de
Hydrope.

(d) *Hippoc.* in
epidem. erat in-
quit, *Athenis* ho-
mo quidam scabi-
dissima scabie
laborans, aique

conciat (e). Nec omittendæ sunt nimia & diuturniores artuum perfrigerationes, imprimisque pedum cum humiditate conjunctæ, quæ tales & sæpe immedicabiles inducunt tumores, quorum adeo frequentiora sunt in fœminis exempla. Sed plerumque oritur talis dispositio ex suprefione criticæ evacuationis, ut fluxûs hemorrhoidalis in hominibus : *Trajanus Imperator* (f) ex retentione hemorrhoidum afflictus fallus est & curans, sed recidivam passus mortuus legitur apud Dionem Cassium. Ex obstructione hepatis, indeque vitatio sanguinis circulo in vena portarum systemate, ut & in fœminis ex menstruis male cedentibus, obstructione aut spasmo uteri, cæterisque hysteriarum affectionibus (g). Sed nulla œdematis frequentior causa, quàm jam declaratus hydrops; non secus ac œdema ipsum peculiare, quandoque etiam hydrops causa evadit (h). Notandum enim quod si cachexia aut hydrops induxerint œdema, tunc certè periculosus fiet, ideò quod à causâ oriatur internâ, & circa viscera summæ dignitatis hærente; dum è contra à causâ externâ procedit, & est parti cuidam quasi privatum ac domesticum, facilius tollitur; licet in isto œdematis genere, adit & partis tonus relaxatus, & eadem seroso lymphalis humiditatis spissitudo (i), quæ in sede quâdam, pedibus v. g. & circa malleolas deposita, ibi increlens, vires acquirit eundo, humores omnes labe eadem inficit, inde pedetentim ascendit, furas distendit, viamque juxta vasa curalia & nervos relegens, intra abdomen viscera infarcit, aut per totum corpus leucophlegmatiam universalem, vel hydropem particularem atque funestum generat. Plurimos etiam reperies, qui dicant œdemata, hydropes & istius generis morbos, oriri sæpe ex erosione, crepaturâ aut disrptione vasorum lymphaticorum at perperam sanè ut videtur: quî sit enim ut nunquam vel rarissimè talis se præbeat causa in corpore sano benèque constituto? In quo non minùs possunt rumpi vasa lymphatica, quam in cachecticis, cur pravus solidorum & fluidorum, habitus semper hydropem & œdemata præcurrant potiùs quam sequantur? Quoad erosionem, quis nescit eam non manifestari, nisi confirmato jam corruptelæ gradu; ita ut cacochyliam, cacochymiam & deinde è vestigio sequentem cachexiam, semper, aut plerumque saltem, hunc statum præcessisse certum sit. Sed posita hac tali dispositione, perpendamus quæ exindè necessariò sequantur in corpore. Qualicumque enim de causâ vitietur bona sanguinis constitutio, seu hæreat malum in parte peculiari tantùm, quæ jamdiu affecta adeo tonum circâ solida amisit, ut ibi stagnatio, congestio humorum, atque tumor ingens vixque resolvable prognasceatur; seu ex corruptâ tum primariâ tum secundariâ digestionem, ut in iis, qui ex obstructione aut infarctû pulmonum, hepatis, pancreatis, mesenterii glandularum, uteri, aut qualicumque alius ejusdem dignitatis visceris laborant, seu ab exhaustâ nimia rubræ sanguinis partis quantitate, ut post diuturnas aut enormes hemorrhagias, aut plus æquo, repetitas venæ sectiones, nam, ut ait Galenus, si copiosius absumatur sanguis, si ut tota moles reddatur frigidior, operaque naturalia deterius perficiantur (k). Tunc, inquam, necesse est, ut ex utrâque causâ, eadem semper consequantur, languor scilicet atque prostratio virium; nam si fuerit exhausta præcipua sanguinis rubra portio, cæteræ omnes illius liquidi partes à suâ crasi naturali desciscunt; cum ex eâ tum robur, vires atque calorem corporis, tum perennitatem & æquabilitatem circulationis, ipsiusmet etiam fertimentationis, à quâ solâ suas sibi præscriptas mutationes singulæ illæ partes mutantur, energiam pendere non dubium est. Prostratis sic solidorum viribus, insectâque torâ sanguinis massâ, arteriæ, ut potè fortiores & magis elasticæ, hæctenus suo qualicumque munere funguntur: per oscula igitur ultimarum propaginum, suum tenuissimum seroso-lymphaticum rorem intra varias corporis cavitates solito adhuc more evomunt; ex quibus aut protinùs à venulis resorbendus, aut eum stagnari atque putrescere necesse est. Inter varias corporis cavitates, quæ hunc accipiunt rorem, non ultimò recensendum venit textum cellulolum, in cujus cavernulas suis laminulis variè appositis confectas, intraque se invicem patentes tenuis exha-

ut sanaretur milos accessit, ubi calida sunt thoma, quarum usu convaluit à scabie, sed paulo post incidit in hydropem & exindè mortuus est.

(e) Hoffm. ibid.

(f) Hoffm. ibid.

(g) Hoffm. de hydropse. Hippocr. Aph. Sect. VI. Aph. 12.

(h) Hoffm. ibid. Stahl. ibid.

(i) Stahl. ibid.

(k) Galen. de Scatific.

latio illa appulsa deponitur; at quoties reſorbentia vaſa aut vitio generali viſcerum, totiuſque œconomix animalis depravatione, ut jam dictum eſt, muneri ſuo ſiunt impares, ſecretus ille humor retinetur primùm in hac vel in illa corporis parte, quæ majori vitio laborat; in pedibus putà, ut potè qui magis à centro morùs diſſiti, magis indè ingruenti malo cedere coguntur; ibi ergo ſiſtitur, accumulatur, inſpiſſatur quoque, per reſorptionem tenuioris; implentur cavernulæ cellulares, imò diſtenduntur, cellulæ vicinioreſ ſimili inſiciuntur humore, madent, viamque per communes & notos aditus advenienti pandunt liquido; atqui hoc non ſolum ſi ſe habet in textu qui cutem & muſculos intercedit, ſed in illo quoque, qui vaſa, muſculos, muſculorumque lacertos interjacet; undè *humectatione nimia fibræ inducitur, ſenſus ita graviffimè enervatur, ut ager ipſe frigidiffimi ad tactum membri frigoris tamen ipſe non perſpiciat* (1). Quin imò cutis ipſa, quæ elasticitate atque contrahibilitate ſua, textui adipolo, madenti & diſtenſo contranittitur, nunc exundante, aquà prægnans, ultràque tonum debitum acta, ipſa, inquam reſtituendo ſe ſe impar evadit: ſic igitur fracto cutis elatere, ferè omnis perſpiratio externa ſiſtitur; perit & ipſe ſenſus, & vita, & irritabilitas partium, ſine quibus vana ſunt auxilia, neque ulla adhiberi poteſt Medicina ſalutaris, ſit indè reſluxus ad interiora, inſarctus ſtagnatio humorum, in craſi ſua mutatio, inſpiſſatio, decompoſitio atque ſimul putrefactio; tum eroſiones, ulcera maligna, aut gangræna immedicabilis. Hac omnia qui priùs optimè non noverit, difficile erit ſane, eum rectè circa diagnoſim vel prognofiſim ſe gerere, aut ad curationem certo iudicio ſe accingere poſſe.

(1) Stahl. *ibid.*

I I I

SIC itaque male affecto corpore, jam jamque ultima minitante cœdemate, inſauſti quam plures eventus docuerunt illud omnem internam opem medicamentaque ore ſumenda ſapius eludere atque ſuperare: tunc ad mortis anguſtias reſectus, artem chirurgicam, unicum tanquam reſugium, implorat miſerabilis ager. Sed quodnam auxilii genus fuerit adhibendum? hoc ex ipſo ſtatu, tum morbi, tum ægroti, tum etiam ex iis quæ priùs præceſſere, optimè dignoſcitur atque iudicatur. 1°. Effugium, ex labefactato tono ad renes negatum, verſus exteriora turgentibus aquis, vi pandere neceſſum eſt. 2°. Collapſæ atque fractæ vires, cum ipſo partium elatere languente, ſunt erigendæ. 3°. Apponatur etiam ad plagam, in loco decliviori factam, irritamentum quoddam, quo fibræ, jamdiù inſenſiles factæ, vaſaque è torpore ſuo ad ſolita munia, oſcillationeſque ſuas revocentur atque reſurgant. 4°. Tandem ſummâ cum cautelâ vitandum ne profundior inſigatur plaga: nam quæ facta ſunt in ſuris, aut in ſcroto vulnera, fieri, etiam in ſtatu ſano, ſæpè ſapius aut diuturniora, aut quandoque funeſta evadere docuit experientia. Atqui hæc omnia tutiùs obtineri per veſicantium applicationem vel minime attentus fatebitur; nam ſeu ex vegetantibus deſumantur, qualia ſunt ſinapi, cochlearia, raphanus ruſticanus, naſturtium & alia quæ ex cruciferorum claſſe in uſum ſimilem vulgo vocari conſueverunt; ſive allium, cepa, ſive chelidonium majus, &c. quæ cuncta ſpiritu valdè acutoſo acri, rodente aut oleo ſumme volatili atque cauſtico ſcatent, ut ex odore penetrante notum eſt, aut ex ſapore acriori; ità ut, etiam notenti & invito, lacrymas ex oculis excutiant; imò ſæpè tangenti puſtulas & ulcera inurant; aut ità preſſo pede ad putrefactionem vergunt, ut breviffimo horæ intervallo, quæ etiam dulciora ſunt, veluti Braſſica, & plura id generis, acria tamen atque cauſtica ſalia generent; ſeu verò ex animali regno arceſſantur, qualia ſunt quæ uſu vulgatiore, in quibus ſpiritus (an dicam acidi vel alkaliſi? Cum nullâ hætenùs experientiâ eos huiuſce poſterioris, dotis alkalinæ eſſe evinci potuerit) & olea acria, volatilia adeò ſunt evoluta, ut & odore & ſubitanè ferè corroſione manifeſta ſe præbeant. Talia ſunt varia inſectorum & ſcarabæorum genera, diverſæ formicarum ſpecies, Muſcæ quædam, Grilli, Locuſtæ, Oniſci ſeu Aſelli, atque, om-

nium longe potior, *Cantharis major*, vulgaris, officinarum seu musca Hispanica; *Scarabæi* genus, cujus adeo accurata descriptio apud plurimos Historiæ naturalis cultores passim prostat & exaratur, ut hic longius de eâ disserere, & toties jam dictata regerere supervacaneum foret; monendum tamen quod pars hæc cantharidum adeo volatilis, caustica, rodens, fœrens & virulenta neque ex experimentis acida, ut neque alkalina ullo modo reperitur. Est & aliud vesicantium genus, quod ex farinâ aquâ subactâ ad fermentationem acidam deducitur, fermentique nomine insignitur; hæc, & sexcenta alia, seu sint simplicia, seu composita, ut quæ sale, pipere aut aceto coniunguntur, & emplastris adduntur, quale est emplastrum epispasticum, aut tandem sinapismi varii gradus, hæc, inquam, loco affecto applicata, brevi, ope humiditatis suæ & humoris ex cute transudantis, pruritum creant, soluta sic penetrabili parte volatili, papillæ nervæ, sub cuticulâ jacentes, irritantur hinc postea dolor, tensio atque, qui prius perierat, redit calor; vasa quoque, tum absorbentia, tum exhalantia, de novo resurgunt, contractilitatem & oscillationes suas redelegant; major quantitas liquidi ad partem sic dolentem & leviter inflammatam, jubente naturâ, appellit; cuticula a substratâ cute decedit, & affluente humore, in vesiculas sero scatentes elevatur, partes volatiliores medicamenti topici, obstructa aut collapsa vasa referant & stimuli ad instar, restitutâ eorum irritabilitate, ulterius preproptendo tandem in fluentum sanguinis rapiuntur; undè auctis circulatione, & sanguinis motu, visciditas ejus simul & lymphæ solvitur, restituantur aliquantulum varæ functiones prius languentes, & major urinæ secretio, quæ toties hujusce medicamenti actionem comitatur. Dum interim aqua, seu serum, quo totum corpus aut pars sola tantùm ægra madebat, ad locum dolentem & irritatum, ope stimuli præsentis, continuo evocatur & inde adeo subducitur, ut sæpè non guttatim, sed etiam continuo rivulo effluere videatur. Sic igitur exundante sero liberatæ partes, musculi prius compressi & nunc sui juris facti, irritabilitatem nativam recipiunt, atque suis motibus & munitis restituantur: hæc enim bona quæ dicimus, sequi necesse est, tum ex ipsâ medicamenti naturâ, tum ex parte seu organo, cui immediatè applicatur; quoad medicamentum spectat, jam notavimus illud agere præ primis oleo & principiis suis acerbis, causticis & summè penetrantibus, ut constat ex ipsismet experimentis & observationibus factis tum in ipsis planis, tum quoque in insectis suprâ nominatis, & præ primis in cantharidibus. Quoad cutem, cui immediatè applicantur, hanc esse potiorē sensilitatis atque secretionis organum, utpotè constatam innumeris artieriarum venularum que finibus, sic ut ex ultimis nervorum papillis, quæ omnia textu cellulari adeo reticulatim colligata intricantur, ut corpus, seu stamen strictum valdè & densum facile dilatabilem aut se se crispantem efforment, nemo nescit. Quid mirum igitur stimulum, qui continuo parti inhæret, eam sollicitat, vellicat, partesque suas magis subtilis, & actuosas intra vasa per eorum ora hiantia amandat, effluxum aquarum fovere posse? Quin imò adeo potenter agunt, ut evacuatâ aquarum parte majori, ortâque inflammatione levi atque benignâ, sequatur tandem optima suppuratio, (quæ hisce in casibus nunquam, nisi ex viribus aliquantisper reparatis, erectoque partium tono, obtineri potest,) salusque reddatur ægro, nisi viscera adeo fuerint contaminata, ut in vitæ discrimen certum adducatur, nec ulla amplius salutis spes remaneat; quo quidem in casu; tolli quidem in præsens potest œdema, sed ex hærente causâ morbi, novum semper, tanquam è fonte perenni, scaturit, donec, undique fariscente naturâ, è medio tollatur æger. Pugnat quoque pro vesicantibus methodus alia, usu diuturno ab antiquis celebrata, apud recentiores vetò obsoleta malè (a) cauterium scilicet actuale, sive ferrum ignitum. Cujus actio, quando corpori inuritur, promptissima atque vehementissima est; neque ibi tantum describitur. Quanti enim ex inuritione oriantur cruciatus! cum ab eâ tota violenter commoveatur œconomia & ita in sede suâ anima succutiatur, ut ex ipsâ etiam acutissimi doloris dirâ recordatione, perterrita turbataque diu contremiscat. Undè, seu effectus, seu

(a) *Vide Journal de Medec. Octob. 1761. p. 349.*

vulneris aspectum aut ejusdem eximiam & diuturniorem sensibilitatem consideraveris, causticis sanè aliis & vesicantibus, licet potentius, suppar tamen esse, & idèd quandoque eisdem succenturiari posse cauterium, non denegabis. Num igitur hæc bona ex scarificationibus expectare licet? qui eatum naturam & operandi modum cum vesicantibus, attentè mente, comparaverit, facili de negotio, has cum istis utilitate, nullo in casu, decertare posse fatebitur.

I V.

STABILITA jam, ut nobis videtur, omnibus rationum momentis efficitur cacitate vesicantium in vario œdematis genere, nunc asseramus necesse est, tum ex veterum, tum recentiorum commentariis, argumenta & observationes, quæ sententiam nostram confirmare valeant. *Celsus*, Cap. de *Hidropicis*, ait, *imponendum verò in eum (VENTREM) crebrius sinapi, donec cutem erodat.* » *Paulus Ægineta* scripsit: *Cæterum eximios pedum tumores, quos œdemat Græci dicunt, Anthyllis (a) quæ in aceto maduerit, foliaque brassica in lauro super deligata discutiant.* (b) Audiamus *Cælium Aurelium* dicentem: *Item sinapisimum in Hidropis curatione, usque ad cutis tumorem adhibendus, qui maximè vehementem fortitudinem locis humore corruptis, atque, ut ita dicentem, tabentibus admoveat ac ministrat.* (c) Undè videtis nullo modo à nostrà sententià circa vesicantium actionem differre Auctorem, qui asserit vehementem fortitudinem tonum scilicet, sensibilitatem atque robur admoveere sinapisimum locis humore corruptis. *Hoffmannus*, quando, inquit, ipsa natura optima medicatrix, sponte suas sibi quærens vias, cutis poros, vel in pede vel in abdomine aperit, per quos, non sine notabili tumoris subsidentiâ, dies noctesque multum seri profunditur, cavendum maximopere est ne corruptio accedat; quam per epithemata quæ superiori loco præscripsimus, frequentius adhibita debemus prohibere. (d) Epithemata autem illa, undè sunt nisi è tonicorum, roborantium, & etiam rodentium genere repetita? quæ denudatæ cuti applicata, sensibilitatem atque contractilitatem amissam restituant, inflammationem movent, ac proinde corruptionem arcent & avertunt. Quin imò Auctor idem, *Cantharides* in hydrope, pro usu interno consiliat; & ait quia vero etiam urine fluxu hydropticis tumor assumitur atque abigitur, pulvis cantharidum cum sale tartari mixtus, additis aliquot ad arcendam inflammationem niri depurati granis, & uno camphoræ, diuresi movendæ largissima apostemum inservit, modo humores ad hanc dispositi sint excretionem. (e) An dubium est pulverem hunc cantharidum topicis additum, progressu celeri, per poros cutis intrâ sanguinis fluentum proripi & diuresim movere posse? Cum toties experientia constiterit, hoc genus vesicantium, non solum ardorem & inflammationem vesicæ, sed etiam mictum sanguineum excitasse. Sunt & aliæ duæ observationes in Actis Academiæ naturæ curiosorum, à *D. Schuster* consignatæ, quarum primâ constat, Auctorem vesicantia in ægro asthma & œdemate pedum laborante feliciter adhibuisse, ex quibus maximam aquarum derivationem ex pectore pedibusque obtinuit. (f) Patet etiam ex secundâ, quod in hydrope pectoris ex asthma orto, juxta mentem, ut ait ipse, *Hipocratis* & *Baglivii*, similia quoque furis vesicantia applicasset, non minori cum successu. (g) Hæc autem, & alia passim apud auctores; sed illa faciamus; nunc tantum duas referre juvat observationes sapientissimi hujusce *Thescos* prædis, quas summâ, quâ pollet humanitate, mihi communicare dignatus est. Mulier annorum 25. aut 6. nata; prægnans & partui propinquior, aded œdematosa facta est, ut vulgaris amphoræ magnitudinem ad minus, vulvæ labiorum utrumque adæquaret: Tres jam effluerant septimanæ, cum hocce incommodo miserabiliter torqueretur: compressione nimia vix iter concedebatur urinæ, ita ut, tum ab ejus stagnatione, tum à frictu mutuo labia, excoriarentur, & ex ejus acredine plura jam se se darent oculis puncta gangrænosa. Chirurgus morbum scarificationibus aggredi cautè reformidabat, justus sanè tumor, ne partes scarificaret, non secus ac ille quæ jam excoriatæ fuerant, citò in gangrænam dilaberentur; nam ex eo sanè statu putrescente partium, ac propè

(a) Anthyllis prima Dioscor. Cels. livè. After maridimus folio Tereti, Crasso, tridentato; Toura. Inst. R. H. 23.

(b) Paul. Æginet. pag. 2.
(c) Cæli. Aurel. de Hydrope. cap. VIII. pag. 474.

(d) De Hydrope.

(e) Hoffm. de Hydrope.

(f) Nova acta Acad. Nat. curios. in append. à primis Tom. pag. 148.

(g) Ibid. pag. 161.

emortuo, promptus erat, facilisque ad gangrænâ transitus. Attamen aut tollendus tumor, aut nullus fuisset partui futuro & instanti locus. Accersitur vir humanissimus, casus urget, ergo ex nasturtio aquatico vesicante, item ex antiseptici & tonici ammoniaci sale & aquâ vitæ confectum cataplasma statim imperat. Paulò post cuticula resoluta desquamatur, & è textu celluloso, per cutem stimulo sollicitatam, ingens aqua effluxit; continuo evanuit œdema, puncta gangrænosa exfoliata deciderunt, tonus cuti fuit restitutus, feliciori partu peperit mater cunctaque ex voto succedere, & plures post annos optimâ adhuc valetudine fruebatur.

Plùs quàm septuagenarius homo, omni intemperantiæ deditus, gulæ inprimis & vino semper indulserat: incidit in hydropem & postea asciticus factus est: scrotum intercè adeò œdemate vero intumuerat, ut nisi summè divaricatis cruribus amplius stare aut quiescere posset; vocatis viro præside & duobus Chirurgis, de non tentandis scarificationibus & de eodem cataplasmate adhibendo unâ voce consultum est atque statutum: nec longa mora, ex deciduâ cuticulâ tantum effluxit aquæ, ut pleno filo in terram manaret; collabitur scrotum atque simul ventris tumor omnis œdematosus resolvitur, sed ex ascite constante, & ex pravâ viscerum labe iterùm recrudescens œdema, morti tandem non immeritè occubuit æger. Sed quantum præstent auxilii caustica, tum in iis, tum quoque in non multum dissimilibus morbis, clarè demonstratur ex ejusdem observatione, quâ constat anginam gangrænosam ipsâ jam gangrænâ præsentè, usu spiritûs salis ammoniaci vaporantis solo, ocissimè curatam fuisse atque sanatam (b). Num igitur, hæ observationes vesicantium utilitatem atque præstantiam, etiam in desperatis propè casibus, satis declarare videntur?

(b) Vid. Journ. de Medec. Juill. 1756, pag. 25.

V.

AT, si qui fuerint, dicent adversarii, in curatione œdematis præcipua medentis intentio hæc est, ut exundantem aquam foràs eliminet: quâ autem ratione promptius atque tutius id consequetur quam scarificationibus, quæ uno ictu amplæ & plures factæ, plures etiam portas fluido stagnanti eodem temporis momento præbent? Sed argumentum illud falso perstringi posse facili de negotio videtur. Perpendamus igitur quid sit scarificatio, quomodo fiat & quid inde sequatur. Scarificatio est incisio facta aliquâ in parte corporis, ut pus vel sanguis vel alius quicumque humor effluat: aliæ scarificationum sunt superficiales, Gallicè *mouchetures*; hæ autem cutem tantum secant, & in eâ terminantur; aliæ mediocres & ultrâ textum cellularem aguntur; aliæ denique profundæ, quæ musculos vel carnes ipsas penetrant: sed cujuscumque generis sint, sunt usque tamen ampla vulnera inflicta in parte jam effatâ, & eâ morbi naturâ laborante, quæ bonæ suppurationi optimæque vulnerum curationi, magis adversatur: quin imò sunt hæ scarificationes plectumque in partibus infimis, furis videlicet, vel scroto, quæ magis à corde distant, & ideo in quibus vulnera, apud sanos etiam, longè diuturniora atque periculosiora sunt, & eo impensius sanantur. Semper inciditur cutis, quæ, ut jam dictum, neque satis dicendum, contextu suo mirabili, nervoso, ibique sensibillissimo, tum mirâ intricatione extremitatum propaginum exhalantium arteriarum atque venarum resorbentium, meritò est & habetur præcipuum sensibilitatis, irritationis, perspirationis & resorptionis organum: hanc autem sensibilitatem & irritabilitatem isto in casu summè esse necessariam nemo inficias ibit, ut potè sine quâ nulla cetera œdematis curationis spes: nam in cadavere neque ex vesicantibus, neque ex scarificatione qualicumque, ullæ educuntur aquæ; inde quò major est vita in parte, eo etiam ibi remedia potentius agunt: at in quantum inciditur cutis, in tantum illud destruitur organum. Pone non modo cutem, sed etiam incidi simul textum cellulolum; quid fiet? cum ex naturâ suâ sit nullâ sensibilitate donatum, quantum sperandum est nunc, cum stagnantibus aquis turgidum est atque madidum?

visne carnes ipsas & musculos transadigi ferro? at cum hæ non instituantur operationes, nisi in extremo gradu ac propè jam desperato œdemate, nihil ultra proficiet: fibræ enim musculares jam tabidæ factæ, ac veluti mediis in aquis sepultæ, omnem vim & irritabilitatem suam amiserunt. Hinc quò profundior incisio, eò corruptio promptior; indè terra ulcera, gangæna immedicabilis, atque certa mors. Attamen quandoque rectè succedere scarificationes non negamus; tunc sanè quando, nondum sunt corporis effæctæ vires, adhucque valida est pars affecta, neque labefactatur tonus (a); sed si in iis casibus benè sit cum scarificationibus, quarum veluti fonticulorum, effectus, in parte ferè totus terminatur, quantò meliùs atque tutiùs cum vesicantibus agetur! quorum partes volatiles intrà corpus penetrando, stimuli ubique præsentis vices gerunt, ac proindè effectum morbi seu humorum statim tollere & simul eorum crasim imminutare valent. Sed est quoque circà scarificationes alia observatio quam hic recordari juvat, quod scilicet hisce vulneribus semper epithemata & medicamenta à prudenti Medico, volatilibus, anti-septicis, acribus & quandoque causticis facta imperentur. Quibus potiori jure bonus, qui sequitur effectus, quam scarificationibus propriè dictis, tribuendus videretur. *Ceterum ex fonte Chirurgico, docet Hoffmannus, jure adhuc repetere licet scarificationes, per quas in pedibus & seroto decenter institutas, humorem in anasarca copiosè stagnantem feliciter sæpè evocatum vidi, sed præcavenda omni modo est corruptio.* (b) Scarificationes commendante D. Garengeot, damnat è contra Heisterus; verùm, ait, raro aliquid auxilii præstant, sed contrà inflammationes & gangranam sapiùs concitant, adeoque non nisi cautissimè adhibeantur. Dum è contrà eodem Capite paulò superiùs laudat chelidonium majus & persicariam acrem, vel solam, vel cum chelidonio contusam circum pedes deligatam; item raphanum rusticorum, vel lepidium sive piperitidem & alia similia (c) hinc videre est quantum ex scarificationibus periculum, præcipuè si seriùs instituantur. Jure igitur vesicantibus, quæ in omni morbi decursu, quando toncis & putredinem arcentibus sunt prudenter maritata, punctum omne tollunt, longè scarificationes cedere contendimus, undè, misso ulteriori examine, ad conclusionem properare juvat.

Ergò in œdemate vesicantia scarificationibus tutiora.

DOMINI DOCTORES DISPUTATURI.

M. Joannes DESCHEMET, Chirurgia Gallico Idiomate Professor.

M. Cleriaqus VACHIER.

M. Bernardus DE JUSSIEU, Regi à Consiliis & Secretis, Regiæ Scientiarum Academiæ, Regiæque Societatis Londinensis Socius & in Horto Regio Botanice Demonstrator.

M. Joannes-Baptista-FRANCISCUS DE LA RIVIERE, Consiliarius Medicus Regis ordinarius in ejus Castellato.

M. Petrus-Josephus MORISOT DES LANDES, Chirurgia Gallico idiomate Professor designatus.

M. Joannes ASTRUC, Professor Regius.

M. Guido DANÉ DES PATUREAUX.

M. Joannes-Ludovicus-Maria SOLIER, Scholarum Professor.

M. Guillelmus-Josephus DE L'ÉVINE, Antiquus Facultatis Decanus.

Proponebat Parisiis JOANNES D'ARCET, Severopolitanus - Adurenfis, Doctor Medicus Burdigalensis, necnon Saluberrimæ Facultatis Medicinæ Parisiensis Baccalaureus, Theseos Auctor. A. R. S. H. 1764.

A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1764.

(a) Vid. The-
sim. D. Col de
Villars, anni
1758.

(b) Hoffm. de
Hydiopo.

(c) Heisteri
Instit. Chirurg. p.
2. lib. IV. cap.
28 & p. 11. Sect.
I. cap. 16.